



PREASSADIEDÁHUS SÁMI DÁIDDÁRSTIPEANDA JUOLLUDEAMIT 2021

Sámi Dáiddárráđi stipeandalávdegoddi lea juohkán 2021 dáiddárstipeandaid, oktiibuot 1 801 000 ru. Stipeandalávdegoddi lea juohkán seniorstipeandda, bargostipeandda, 2 bargostipeandda nuorat dáiddáriidda, ovttá oanehisáiggestipeandda ja iešguđegelágán smávit stipeandaid.

Seniorstipeanda (bargostipeanda) lea juolluduvvon glássadáiđárii Monica L. Edmondsonii 7 jahkái ja 5 mánnui.

Monica L. Edmondson lea julevsápmelaš ja ássá Deartnás. Son lea ollesáigge dáiddár ja lea iežas barggus dáiddáriin, mas geahčastat lea glássa, sierra persovnnalaš dáiddagiella mas sámevuohhta deaivida riikkaidgaskasaš beali sihke teknihkalaččat ja konseptualalaččat. Su fágagelbbolašvuodain, ja su glássabájis ja atelieras, rahkada son sihke smávit ja stuorát installašuvnnaid ja doaimmaha čijahanbarggaid. Iežas boahhtevas barggus háliida son earret eará fáhtet ja hábmet jurdagiid ja historjjáid otnáš rájes ja gođđit daid oktii ovdeš buolvvaid mitalusaiguin, ja dasa lassin čieknudit iežas hábme, ivdne- ja minstarárbevearuide iešguđetge ávdnasiid bokte. Edmondson lea ožžon Rubus Arcticus Kulturbálkkašumi 2005 jagis ja Kungliga Skytteanska Samfundets Stora Pris – bálkkašumi 2014 jagis.

Bargostipeanda lea juolluduvvon juoigái Marja Mortensson 3 jahkái.

Marja Mortensson lea máttasápmelaš guhte ássá Jonsvatnes. Mortensson lea vuotán mánnga bálkkašumi omd Spellemansprisen 2018is skearruin “Mojhtestasse – Cultural Heirlooms” ja Sami Music Awards i 2015is. Sus leamaš konsearttat, lea oasálastán festiválain sihke natióalalaš ja riikkaidgaskasaš dásis. Marja Mortensson háliida stipeandain bargat earret eará máttá- ja ubmisámi luđiiguin, mitalanárbevearuin ja dokumenteret máttá- ja ubmisámi juoiganárbevearu. Máttá- ja ubmisáme luodit eai leat gullon áktánasat sámis, ja dan lea dehálaš doalahit ja ovddidit boahhte áigái.

Bargostipeanda nuorat easkaálgi dáiddariidde lea juolluduvvon girječállái Inga Elin Marakatt ja musihkkarii/artistii Peder Niilas Tårnesvik.

Inga Elin Marakatt lea Ađevuomis eret. Marakatt lea girječállai ja lea álmnuhan mánnga girjii earret eará “Sáve Sápmi” mii lea su vuosttas nuoraidromána, son lea maid čállán oanehisfilbma giehtačállosa. Marakatt háliida stipeandain čállit triologiija, mii lea joatkka Sáve Sápmái. Son geavaha somás mále mitalit váttis tabu:a áššiid birra sámi servodagas dego baluid birra psyhkalaš dearvvasvuodas, boazodoalu ođđaáigásaš hástalusaid birra ja geafivuoda.

Peder Niilas Tårnesvik guhte ássá Bergenis lea nuorra miellagiddevaš artista ja son bargá elektrovnnalaš musihkain. Tårnesvik lea álmnuhan mánnga skearru, dahkan dáiddalaš diŋgonbarggaid ja oasálastán mánngga festiválas. Juodá mii čuovvu su produkšuvnnaid lea detáljat ja melonkoalalaš vuodđodovdu kombinerejuvvon mánnggadáfot rytmmain. Tårnesvik geahččala bargat šáŋŋerkeahttá nu ahte musihkka ráhkaduvvo iežas premissain.

Oanehisáiggestipeanda (bargostipeanda) lea juolluduvvon filmadahkkái Per Ivar Jensenii 6. mánnui.

Per Ivar Jensen ássá Oslos ja son lea mánnggabealat dáiddár guhte bargá mánnga dáiddársurggiin. Sus lea sihke filbmaoahppu ja TV-buvttadeami oahppu. Son lea buvttadan mánnga oanehisfilmma earret eará «Taxi fra Båtsfjord» ja «Ho mamma er dau for helvete», son lea maid álmnuhan mánngga skearru, komponeren musihka ja leamašan mielde teáhterbuvttademiin. Jensen lea vuotán mánnga bálkkašumi ovdamearkka dihtii Gullpalmen buoremus filbma MITILas Sveitsas.

Iešgudetlágan smávit stipeanddat leat juolluduvvon:

Elin Kåven	čiekŋudit vokálateknihkii	75 000 ru.
Georg Buljo	rahkadiit rumbogitára	45 000 ru.
John Kåre Hansen	ávnnasstipeanda	30 000 ru.
Silja Somby	ávnnasstipeanda	50 000 ru.
Rawdna Carita Eira	mátke- ja prošeaktastipeanda	30 000 ru.
Margrethe Iren Pettersen,	prošeaktastipeanda	35 000 ru.
Gjert Rognli	mátke- ja oahppostipeanda	49 500 ru.
Inga Marja Sarre	čiekŋudit vokálateknihkis	84 500 ru.
Kristin Tårnesvik	ávnnas- ja buvttadeapmái	50 000 ru.
Johan Sara jr	ávnnasstipeanda	21 000 ru.
Marja Bål Nango,	photoshop/design	30 000 ru.
Beate Heide	mátke- ja oahppostipeanda	50 000 ru.